



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

XI. Bischof Arnold von Havelberg bestätigt den Altar des heiligen Geistes
zu Pritzwalk, am 24. Juni 1306.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

tum id laudabilius et acceptabilius deo credatur, quod de medulla cordis ac pinguedine caritatis offertur, ad promouendum ea diuini sunt cultus tanto studiosius unusquisque fidelium debet intendere, quanto immenius a retributore omnium bonorum Ihesu christo celestis glorie se sperat premium adipisci; volentes igitur, ut ecclesia beate marie virginis gloriose in halberstat congruis honoribus frequentetur, omnibus vere penitentibus et Confessis, qui ad ipsam in quatuor festiuitatibus beate uirginis, uidelicet in festo assumptionis, In natiuitate beate uirginis gloriose, In festo purificationis et annuntiatione cum deuocione acceperint aut eciam ad structuram ipsius ecclesie pias largiti elemosinas fuerint, Auctoritate dei et beatorum apostolorum petri et pauli confisi quadraginta dies et vnam Karrenam de iniunctis sibi penitentiis sub ratihabicione dyocesani episcopi misericorditer relaxamus, Eandem gratiam omnibus ad predictam ecclesiam infra octauas et in octauis predictarum festiuitatum accedentibus concedentes. Datum anno domini M°. CC°. LXXXIII°.

Nach dem Original im Provinzial-Archiv zu Magdeburg.

XI. Bischof Arnold von Havelberg bestätigt den Altar des heiligen Geistes zu Prizwalck, am 24. Juni 1306.

Nos Arnoldus, Dei gracia Havelbergenfis Ecclesie Episcopus, presentibus lucide recognoscimus potestando, quod nos vidimus et legimus literas consulum et scabinorum civitatis Prizwalck suis sigillis et Domini Heyzonis de Cracow sigillatas, super fundatione et dotatione altaris sancti spiritus ibidem in hec verba. Universis christi fidelibus presentem paginam percepturis consules et scabini civitatis Prizwalck atque de consensu Benivolo et promotione plebani nostri Heyzonis de Cracow domum altaris sancti spiritus in nostra civitate Prizwalck instaurando edificavimus et melius edificare intendimus in futurum, Saluo tamen jure plebani, Id est quod Oblationes, que in altari predicte domus offeruntur, ipsi plebano totaliter deriuentur, et Officjans nichil juris in oblationibus retinebit; Insuper nolumus ignorare, quod Dominus Johannes de Werben, qui altare sancti spiritus jam officiat, de Patrimonio suo ipsum duobus talentis et scabini duobus talentis annuo persolvendis dotaverunt, Et nos ex parte civitatis Prizwalck alijs quatuor talentis annuatim dandis Domino Johanni de Werben et suis successoribus ipsum altare dotauimus in nomine Jesu Christi, Ita quod in festo Natiuitatis Domini duo talenta, In festo Pasche duo talenta, In Natiuitate Johannis Baptiste duo talenta, et in festo Martini duo talenta Domino Johanni de Werben et successoribus suis nos et successores nostros perpetuis temporibus obligamur. Et ut Plebano nullum fieret prejudicium placuit plebano, quod consules ciuitatis Prizwalck ad idem altare quando vacaret presentarent personam ydoneam, de suo et suorum successorum consensu. Insuper placuit Plebano ut sub priori missa, que in Parochia dicitur, preter festum Natiuitatis, festum Pasche et festum Pentecostes et festa quatuor Marie, Michaelis, commemorationis animarum, In quibus festis post Offertorium summe Misse predicte Domus sancti spiritus missa extat celebranda, missa celebretur. In cuius rei testimonium presentes literas dedimus sigillo nostro et plebani nostri roborantes. Datum Prizwalck, Anno Domini M°. CCC°. VI°. in Dominica Mi-

fericordias Domini Testibus presentibus subnotatis: Domino Heyzone de Cracow, Henrico de Pynnow, Johanne de Buewolt, Alberto de Wupelitz et alijs fide comprobatis. Et nos Arnoldus, Dei gracia Havelbergensis Ecclesie Episcopus, pijs precibus et deuotis dictorum consulum inclinati predictas literas in omnibus suis clausulis et articulis auctoritate nostra Diocesana approbamus, et in nomine Domini presentibus confirmamus, in cuius rei testimonium sigillum nostrum presentibus est appensum. Anno Domini M^o. CCC^o. VI^o., ipso die Johannis Baptiste.

Aus Beckmann's Handschrift.

XII. Der Bischof von Havelberg verkauft an das Nicolai-Stift in Magdeburg Güter in Calbe, am 29. Mai und 3. Juni 1310.

In Nomine domini amen. Arnoldus, dei gracia havelbergensis Ecclesie Episcopus, Reynerus, prepositus, Hinricus, Prior, Totumque Capitulum eiusdem ecclesie vniuersi hanc litteram visuris seu auditoris salutem in domino sempiternam. Ne ea, que geruntur in tempore, simul cum fluxu temporis euanescant, Expediit, ad certitudinem presentium et memoriam futurorum ea scripture testimonio perhennari. Notum igitur facimus tam presentibus, quam futuris, quod tres mansos cum totidem areis seu curiis, in campo opidi Calue Magdeburgensis dyoecesis situatos, ad ius et proprietatem havelbergensis ecclesie et specialiter ad redditus et prouentus episcopalis mensis spectantes, in vsus volentes conuertere meliores, Cum propter locorum distanciam nobis promptum et facile non esset ipsos a grauaminibus quasi frequenter emergentibus defendere. Tandem super hoc, vt moris est, cum capitulo nostro havelberg. tractatu prehabito diligenti mansos eosdem honorabilibus viris dominis The., decano, Johanni, Thezaurario, et H. de seonenbeke, canonicis sancti Nicolai Magd. pleno et vnanimi ipsius capituli nostri accedente consensu vendidimus et tradidimus iure proprietatis perpetuo possidendos pro centum LXXXVII marcis cum dimidia stendalensis argenti, quas nos recepisse et habuisse recognoscimus per presentes et nobis a prefatis dominis datas integre et solutas et in vsus nostre ecclesie conuersas, prout vtilitas ipsius ecclesie exigebat. Quos quidem mansos ab omni onere aduocacie, exactionis seu precarie impositione et census prestacione nullique condicione subiectos vendidimus ac eorum possessionem tradidimus emptoribus supradictis. Promissimus nichilominus et promittimus eisdem, mansos eosdem tam in proprietate, quam in possessione a quibuscunque personis seu vniuersitate, si opus fuerit, disbrigare et wandare de ipsis ac eciam legitime defendere et perpetuo firma et rata tenere et habere dictam vendicionem ac omnia et singula suprascripta. In cuius rei euidentis testimonium et consensum Nos Arnoldus, Episcopus, ac capitulum supradicti dedimus emptoribus memoratis presentes litteras sigillorum nostrorum munimine firmiter roboratas. Testes huius rei sunt hic: domini Otto de brezna, Thezaurarius maioris, Gheuehardus de Querenuorde, sancti sebastiani, hinricus de grunenbergh, sancti Nicolai prepositi, albertus de aluenfleue, hermannus crispus, Theodericus de dalle, scolasticus, canonici sancti Nicolai predicti Ecclesiarum Magd. et quam plures